

GRAD SARAJEVO**Gradsko vijeće**

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 29.03.2017. godine, donijelo je

ODLUKU**O RAZRJEŠENJU ČLANOVA RADNIH TIJELA
GRADSKOG VIJEĆA GRADA SARAJEVA****Član 1.**

Razrješavaju se članovi stalnih radnih tijela Gradskog vijeća Grada Sarajeva kako slijedi:

1. Dado Stojnić, razrješava se dužnosti člana radnih tijela Gradskog vijeća i to:
 - Komisije za Statut i akta,
 - Odbora za urbanizam i upotrebu lokalnog zemljišta,
 - Odbora za lokalni biznis i turizam.
2. Adnan Talić, razrješava se dužnosti člana radnog tijela Gradskog vijeća, Komisije za jednakopravnost spolova.
3. Vedad Deljković, razrješava se dužnosti člana radnog tijela Gradskog vijeća, Komisije za spomenike Gradskog vijeća.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-588/17
29. marta 2017. godine
Sarajevo

Predsjedavajući
Gradskog vijeća
Igor dr. Gavrić, s. r.

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 29.03.2017. godine, donijelo je

ODLUKU**O IZBORU ČLANOVA RADNIH TIJELA GRADSKOG
VIJEĆA GRADA SARAJEVA****Član 1.**

Biraju se članovi stalnih radnih tijela Gradskog vijeća Grada Sarajeva kako slijedi:

1. Denis Stojnić, bira se na dužnost radnog tijela Gradskog vijeća člana Komisije za Statut i akta.
2. Omer Jakupović, bira se na dužnost radnog tijela Gradskog vijeća člana Odbora za urbanizam i upotrebu lokalnog zemljišta.
3. Amar Trbović, bira se na dužnost radnog tijela Gradskog vijeća člana Odbora za lokalni biznis i turizam.
4. Mediha Arnaut, bira se na dužnost radnog tijela Gradskog vijeća člana Komisije za ljudska prava i slobode.
5. Vahid Kasalo, bira se na dužnost radnog tijela Gradskog vijeća člana Komisije za jednakopravnost spolova.
6. Merjema Srna, bira se na dužnost člana radnog tijela Gradskog vijeća Komisije za jednakopravnost spolova.
7. Amer Osmanagić, bira se na dužnost radnog tijela Gradskog vijeća člana Etičkog vijeća Gradskog vijeća.
8. Sead Srna, bira se na dužnost člana radnog tijela Gradskog vijeća Komisije za spomenike Gradskog vijeća.
9. Vedad Deljković, bira se na dužnost radnog tijela Gradskog vijeća člana Odbora za informatiku i telematiku Grada Sarajeva.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-589/17
29. marta 2017. godine
Sarajevo

Predsjedavajući
Gradskog vijeća
Igor dr. Gavrić, s. r.

Na osnovu člana 45. stav 2. i člana 47. stav 2. alineja 1. Zakona o prostornom uređenju ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na sjednici održanoj dana 29.03.2017. godine, donijelo je

ODLUKU**O USVAJANJU IZMJENA I DOPUNA REGULACIONOG
PLANA "LIJEVA OBALA MILJACKE - BISTRİK"****(Skraćeni postupak)****Član 1.**

Usvajaju se izmjene i dopune Regulacionog plana "Lijeva obala Miljacke - Bistrić", koje se odnose na dio trase Trebevičke žičare - po skraćenom postupku (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostorne cjeline sa urbanističko-tehničkim pokazateljima za izgradnju u okviru Plana;
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata i to:
 - Karta 1. Izvod iz RP "Lijeva obala Miljacke - Bistrić" ("Službene novine KS", broj 10/05) 1:2000
 - Karta 2. Ažurna geodetska podloga 1:1000
 - Karta 3. Razmjestaj, spratnost i namjena objekata 1:1000
 - Karta 4. Idejno rješenje saobraćaja sa nivelacijom 1:1000
 - Karta 5. Idejno rješenje snabdijevanja vodom . . . 1:1000
 - Karta 6. Idejno rješenje odvodnje otpadnih i oborinskih voda 1:1000
 - Karta 7. Analitička obrada građevinske parcele . . 1:1000

Član 3.

U ostalim fazama komunalne infrastrukture u obuhvatu Plana nije došlo do izmjena, te se primjenjuju faze: Idejno rješenje toplifikacije i gasifikacije, Idejno rješenje elektro energetike i javne rasvjete, Idejno rješenje TK mreže, Idejno rješenje hortikulture, koji su sastavni dio Regulacionog plana "Lijeva obala Miljacke - Bistrić" ("Službene novine Kantona Sarajevo", broj 10/05).

Član 4.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Stari Grad Sarajevo, Gradske uprave - Služba za urbano planiranje i stambene poslove i Zavoda za planiranje razvoja Kantona Sarajevo.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-590/17
29. marta 2017. godine
Sarajevo

Predsjedavajući
Gradskog vijeća
Igor dr. Gavrić, s. r.

Na osnovu člana 45. stav 2. i člana 47. stav 2. alineja 1. Zakona o prostornom uređenju ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj dana 29.03.2017. godine, donijelo je

ODLUKU

O PROVOĐENJU IZMJENA I DOPUNA REGULACIONOG PLANA "LIJEVA OBALA MILJACKE - BISTRİK"

(Skraćeni postupak)

Član 1.

Ovom Odlukom utvrđuje se provođenje Izmjena i dopuna Regulacionog plana "Lijeva obala Miljacke - Bistrik", koje se odnose na dio trase Trebevičke žičare - po skraćenom postupku (u daljem tekstu: Plan).

Član 2.

Granica obuhvata Plana polazi od tačke br. 1 koja se nalazi na parceli k.č. 2779/2, a ima koordinate $y=6535461$, $x=4856715$, potom produžava na sjeverozapad sijekuci u pravoj liniji parcele k.č. 2779/2, 2794, 1138/1, 1137, 1130/1, 1238, 1239, 2761, 1235, 1234, 1221 i dolazi u tačku br. 2 koja se nalazi na medi između parcela k.č. 1221 i 1217/1, a ima koordinate $y=6535379$, $x=4856829$, zatim nastavlja na sjever, te jug idući međama parcela k.č. 1217/1 i 1218 (obuhvata ih), i dolazi u tačku br. 3 sa koordinatama $y=6535413$, $x=4856853$, nastavlja na jug sijekuci u pravoj liniji parcele k.č. 1159/1, 1160/1, 1158, 1153, 2761,

1142, 1141, 1130/1, 1131, 1133, 1132, 2779/2 i dolazi u tačku br. 4, koja se nalazi na parceli k.č. 2779/2, a ima koordinate $y=6535493$, $x=4856739$, lomi se na jugozapad idući putem k.č. 2779/2 i dolazi do mjesta odakle je opis granice obuhvata Plana i počeo.

Sve gore navedene parcele se nalaza u K.O. Sarajevo IX, Općina Stari Grad.

Površina obuhvata Plana iznosi $P=0,9$ ha.

Član 3.

Izmjena Plana je usaglašena sa: Idejnim projektom "Donja stanica žičare GD10 Trebević" (Projektna organizacija: IPISA Institut d.o.o. Sarajevo, novembar 2016.), "General layout plan GD10 Trebević" (urađen od strane LEITNER ropeways, Bonetto Matteo, Fanchini Fabio, 19.01.2017.) i Tehničkim opisom Infrastrukture - postrojenja žičare GD10 Trebević (dokument broj 1.03.IN-M-121-08027-BOS- RevO.doc, urađen od strane LEITNER AG, dipl. ing. Fabio Fanchini, 10/2016).

Za sve postojeće i planirane sadržaje u obuhvatu Plana važe sve odredbe iz Odluke o provođenju Regulacionog plana "Lijeva obala Miljacke - Bistrik" ("Službene novine Kantona Sarajevo", broj 10/05).

Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-590-1/17
29. marta 2017. godine
Sarajevo

Predsjedavajući
Gradskog vijeća
Igor dr. Gavrić, s. r.



